

家常儻如斯堅志管聖賢暗裏照鑒無差火滅煙消靈腑自
吐黃芽無私性停命住意心清玉結丹砂功行滿赴蓬萊鶴引
彩仗雲霞

贈張九郎

天堂地府善惡由心死生迷悟爭先悟捨家緣忘心展手街前
淡素清貧柔弱任雲水遊歷飄然持堅志守天長地久永永綿
綿舊業如將消盡定聖賢玄妙暗裏相傳意淨心清自是寶
結丹田若有分毫故犯返招殃罪孽難言如了了赴蓬萊三島
做箇神仙

寄長安馮師兄

道藏輯要

水雲集

圭

胃集五

勸人行善自做修行兩般於道相宜須避俗中鄉土且要相違
妙藥沉痾救護更不擇貴賤高低自然理儻隴西師父戒行行
持修鍊須憑猛志似大川山嶽安穩無移外行周圓他日得
處無爲雲水逍遙自在氣神和功行雙齊大丹熟指蓬瀛穩路
攜朶雲歸

寄長生劉師兄

處端稽首上覆劉仙一別倏忽三年每遇臨風對月思渴高賢
忽爾遽承教字方就審法候安然弟且喜無勞齒錄存念綿綿
自愧塵緣未斷在磁洛兩郡且恁隨緣不果來期希恕老拙
無愆首春卽當拜覲履高秋頤素不宣處端望師兄通妙几前